

Zbirka medijskih objava

VladaBrčkoDistrikta_kliping_dnevno,
za razdoblje 27. 1. 2019

Broj objava: 5

Internet: 1

Televizija: 1

Štampa: 3

Teme praćenja:

Vlada Brčko Distrikta: 2

Brčko: 5

Gradonačelnik Brčko: 0

Televizija	Naslov	Obustavljen saobraćaj za teretna vozila na graničnom mostu Brčko-Gunja		
Serijski br. 1	Medij; Doseg	Alternativna televizija Banja Luka; , Bosna i Hercegovina	19:00	Trajanje: 3 min
	Rubrika, Datum	Vijesti; 26. 1. 2019		
Stranica u zbirci: 3	Autor	Kovačević Maja		
	Teme	Vlada Brčko Distrikta , Brčko		

Štampa	Naslov	Budžet 221 milion KM		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 9	Površina: 47 cm ²
	Rubrika, Datum	Teme; 27. 1. 2019		
Stranica u zbirci: 4	Autor	E. S. K.		
	Teme	Vlada Brčko Distrikta , Brčko		

Štampa	Naslov	Snijeg zatrpao sela		
Serijski br. 3	Medij; Doseg	Dnevni avaz; 50.000, Bosna i Hercegovina	Stranica: 10	Površina: 376 cm ²
	Rubrika, Datum	Mozaik; 27. 1. 2019		
Stranica u zbirci: 5	Autor	E. D. A.		
	Teme	Brčko		

Internet	Naslov	Upoznajte Behram-begovu medresu u Tuzli: Deveti put proglašena za najbolju srednju školu		
Serijski br. 4	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 27. 1. 2019		
Stranica u zbirci: 13	Autor	N. N.		
	Teme	Brčko		

Štampa	Naslov	Snijeg i bura rušili krovove kuća u HBZ-u, zatvorene brojne ceste		
Serijski br. 5	Medij; Doseg	Večernji list; , Bosna i Hercegovina	Stranica: 9	Površina: 358 cm ²
	Rubrika, Datum	Aktualno; 27. 1. 2019		
Stranica u zbirci: 14	Autor	Medić Bošnjak Marija, Ž.Mihaljević		
	Teme	Brčko		

Obustavljen saobraćaj za teretna vozila na graničnom mostu **Brčko-Gunja**





Vlada uputila dokument u skupštinsku proceduru

Brčko

Budžet 221 milion KM

► **Vlada Brčko distrikta** usvojila je na posljednjoj sjednici bužet za 2019. godinu u iznosu od 221.501.155 KM. Ovakav prijedlog upućen je u skupštinsku proceduru na usvajanje, a direktor Direkcije za finansije Mato Lučić smatra kako je budžet uravnotežen kad su u pitanju prihodi i rashodi.

Dodao je da je budžet veći za 13 miliona KM od prijedloga u istoj fazi u prošloj godini. **E. Sk.**



NEPOGODE Zbog novih padavina, najviše problema imali vozači

Snijeg zatrpao sela

Zameten i putevi u Bosanskom Grahovu, Glamoču, Kladnju... ● Cisterna sletjela sa ceste na putu Bijeljina – **Brčko** ● Pod teretom popuštali krovovi

Najudaljenija sela u Bosanskom Grahovu, zbog snijega koji je intenzivno padao proteklih dana, i dalje su odsječena i potpuno blokirana. Iz ove općine apelirali su na mještane da budu strpljivi, jer je sva raspoloživa mehanizacija na terenu i pokušava im pomoći.

Sami čiste

Nove padavine napravile su probleme i u srebrničkim selima, gdje su se mještani sami organizirali kako bi čistili puteve. U selima kod Gornjeg Vakufa visina snijega bila je i više od metar.

Najviše problema opet su imali vozači širom zemlje, jer su ceste bile daleke.



U Glamoču mećava



Kamion sletio sa puta: Izbjegnuta velika tragedija

snijegom i ledom. Zabilježeno je i nekoliko saobraćajnih nezgoda, a kamion cisterna novosadskih registarskih oznaka sletio je sa ceste na magistralnom putu Bijeljina – **Brčko** i samo je pukom srećom izbjegnuta velika tragedija.

Stanovnici Glamoča još jednu noć nisu spavali. Jak vjetar ponovo je zameo sve puteve.

- Vjetar nas je vratio na početak. Najudaljenija sela i dalje su odsječena pa pozivam mještane da imaju strpljenja – rekao je načelnik Glamoča Nebojša Radivojša.

U Tomislavgradu su



Gornji Vakuf: Snijeg prelazi metar (Foto: N. Čaušević)

jučer zbrajali štetu od snježnih padavina. Na nekoliko privatnih kuća došlo je do pucanja krova. U naselju Karaula snijeg je srušio dimnjak na jednoj porodičnoj kući. Srećom, niko nije nastradao.

Propao krov

Kad je riječ o Tuzlanskom kantonu, najteža situacija i dalje je u Kladnju, gdje je na snazi stanje prirodne nepogode.

- Najgore je u mjesnim zajednicama Tuholj i Brateljevići, gdje snježni nanosi dosežu i do 70 centimetara. Štete na objektima se zbrajaju. Krov na jednoj proizvodnoj hali u naselju Starić je propao, oštećene su saobraćajnice te stambeni objekti. Nedostaje nam novca za nabavku posipnog materijala – kazao je Ziad Vejzović, predsjednik Štaba civilne zaštite Kladanj. **E. D. A.**

Otkazana nastava

U nekoliko škola na području Livna, Tomislavgrada, Gornjeg Vakufa, Glamoča i Bosanskog Grahova otkazana je nastava. U školama u kojima je nastava u drugom po-

lugodištu trebala početi sutra, prolongirana je za srijedu. U pojedinim selima u kojima visina snijega prelazi i metar, nastava je obustavljena do daljnjeg.



Upoznajte Behram-begovu medresu u Tuzli: Deveti put proglašena za najbolju srednju školu

Behram-begova medresa u Tuzli deveti put je proglašena najboljom po vrednovanju rada srednjih škola na području Tuzlanskog kantona. Od svog osnivanja do danas uvijek je imala izrazito važnu ulogu, a kvalitetan obrazovni proces prati i razvoj ličnosti učenika u skladu s islamskim odgojem.

Behram-begova medresa u Tuzli deveti put je proglašena najboljom po vrednovanju rada srednjih škola na području Tuzlanskog kantona. Od svog osnivanja do danas uvijek je imala izrazito važnu ulogu, a kvalitetan obrazovni proces prati i razvoj ličnosti učenika u skladu s islamskim odgojem.

Pedagoški zavod Tuzlanskog kantona ocjenjuje 11 aspekata rada osam gimnazija i 33 srednje škole, a tuzlanska Behram-begova medresa u obje kategorije je prvorangirana i ove godine. Posebno je zanimljivo da instrumentarij vrednovanja svake godine je drugačiji, što predstavlja dodatni podsticaj kako bi se podjednako kvalitetno radilo u svim aspektima.



Foto: D. Z./Klix.ba

"Ovo je praksa koja nas iz godine u godinu motivira da bolje i raznovrsnije radimo i djelujemo u što više aspekata te da poboljšavamo materijalni i infrastrukturni razvoj škole, zatim programski te onaj suštinski koji se dešava u svakoj školi na svijetu", kaže u razgovoru za Klix.ba direktor tuzlanske medrese Ahmed ef. Hatunić i naglašava da ova odgojno-obrazovna ustanova ne bi mogla postići rezultate bez saradnje s partnerskim školama sa kojima svakodnevno sarađuju.

Škola koja baštini islamske vrijednosti

Relevantni historijski izvori navode da je Behram-begova medresa u Tuzli počela s radom 1626. godine, a njena misija je prije svega edukativna i odgojno-obrazovna, kroz promicanje vrijednosti škole koja baštini vjeru, odnosno vjerske islamske vrijednosti.

"Naša misija je dvojaka, jedna se tiče učenika i profesora Behram-begove medrese, ali ima i ta šira društvena, koja se tiče Muslimana vjernika te cjelokupnog društva. U pravom smislu riječi sarađujemo s velikim brojem škola, ustanova kulture i obrazovanja, humanitarnih organizacija i slično, bez obzira na predznak, ko je činio i kojem svjetonazoru pripadao. Želimo širiti kulturu i politiku otvorenih vrata za saradnju sa svim dobrim ljudima, ne samo u BiH, već i diljem svijeta", navodi Hatunić.



Foto: D. Z./Klix.ba

Behram-begova medresa je internatskog tipa koju danas pohađa 531 učenik, a ove godine iz školskih klupa će izaći više od 120 maturanata.

"Ispraćamo još jednu generaciju i mislimo da su zadobili dovoljno znanja, radnih navika, ali i da su dovoljno odgojeni kako bi u budućnosti bili dostojni imena i tradicije koju ima Behram-begova medresa. Želimo da budu bolji od svojih profesora, jer cilj nam i jeste taj da buduće generacije budu bolje od nas kao učitelja, ali i roditelja. Učitelji i svi zaposleni u obrazovanju ne proizvode čelik, ugalj, niti struju, već ono što je najvrijednije u jednom društvu. Trebalo bi da nakon završetka obrazovanja imamo formirane ličnosti, obrazovane i odgojene osobe na način da mogu nastaviti školovanje, biti uspješni u svojim profesionalnim karijerama, odnosno potpuno sposobni za život i komunikaciju bilo gdje u svijetu", dodaje Hatunić.

Život u učeničkom domu

Medresa je specifična po tome da svi učenici obavezno moraju živjeti u učeničkom domu, prije svega zbog odgojnog rada te vannastavnih sadržaja, odnosno čitavog niza programa i projekata u kojima aktivno učestvuju.



Foto: D. Z./Klix.ba

"To je izuzetno zahtjevno i svim zaposlenicima ne dopušta mirovanje. Imamo dodatnu obavezu prema njima, a naši telefoni su uvijek uključeni", nadovezuje se Hatunić.

Najveći broj učenika je s područja Tuzlanskog kantona, zatim ih ima iz Podrinja, Brčko distrikta, Tešnja, Viskog, Maglaja, Zavidovića, Sarajeva, Bosanske Gradiške... Interesovanje za ovu školu pokazali su i učenici iz evropskih zemalja, ali i Sjedinjenih Američkih Država iz kojih se trenutno nalaze dvije učenice, čiji su korijeni iz BiH.

Kada je riječ o smještajnim kapacitetima, zbog prenapučenosti u domu za učenice krenulo se u izgradnju zgrade veličine 800 kvadratnih metara, a ovaj projekt se nalazi u finalnoj fazi.

"Ova zgrada će nam omogućiti da smještajne kapacitete dovedemo na zadovoljavajući nivo za sljedećih nekoliko desetina godina. Nastojat ćemo izgraditi i pristupni put sa sjeverozapadne strane koji nam nedostaje. Završetkom ta dva projekta infrastrukturu ćemo imati na optimalnom nivou", kaže direktor medrese.

Učenike ne uče životu u luksuzu

Hatunić navodi i da se učenici u ovoj školi ne uče životu u luksuzu. Oni ne borave u hotelskim sobama, već u prostorijama hostelskog ambijenta. Imaju prostrane dnevne boravke, dobre čitaonice i biblioteke koje im omogućavaju kvalitetan društveni život.



Foto: D. Z./Klix.ba

"Sve mora biti uredno, jer smatramo da se u neurednom i neorganiziranom ambijentu ne može odvijati nastava. Ne može se obrazovati i odgajati u ambijentu gdje su stvari pokvarene, gdje se prozori ne otvaraju i gdje se redovno ne čiste prostorije. Uloga menadžmenta u obrazovanju je da učenika uči tome da ništa i nikada ne smije biti pokvareno, uništeno i slomljeno. Ovdje imamo politiku lične odgovornosti učenika koji mora voditi odgovornost o stolici koju zaduži, polovici klupe, polici, krevetu, ormaru...", potcrtava Hatunić.

Radni dan svakog učenika ispunjen je u potpunosti. Izučavaju se 24 nauke iz vjerskog, prirodno-matematičkog, jezičkog, društvenog i multidisciplinarnog područja.

Svako jutro ustaju prilično rano, klanjaju pet dnevnih namaza, aktivno učestvuju u nastavnom procesu, prisustvuju dodatnoj, dopunskoj, kursnoj i fakultativnoj nastavi te vannastavnim i sportskim aktivnostima.

"U odnosu na opću gimnaziju učenici imaju pet predmeta više i to je činjenica koja ukazuje da se radi o zahtjevnom nastavnom planu i programu koji se mora savladati, uz promicanje i savladavanje svih odgojnih sadržaja koje stavljamo pred učenike. Cilj nam je pored učenja, stjecanja znanja i vještina iz nauka, formirati dobre radne navike te da nakon završene medrese imamo odgojene ličnosti i karaktere koji trebaju biti na ponos u društvu", dodaje Hatunić, koji je stava da je odgojna komponenta u određenoj mjeri zapostavljena u bh. obrazovnom sistemu.



Foto: D. Z./Klix.ba

Behram-begova medresa je specifična i po naglašenosti jezičkog područja, s obzirom na to da učenici izučavaju dva prva strana jezika, a riječ je o arapskom i engleskom jeziku sa dostatnim fondom časova koji obezbijuje prilično značajna znanja za nastavak školovanja i komunikaciju.

"Također, od prve godine učenici imaju i nekoliko predmeta iz islamskog diskursa, odnosno vjerskog područja, kao što su učenje Kur'ana, islamsku jurisprudenciju - šerijatsko pravo i apologetiku - islamsko vjerovanje. Ovi predmeti se provlače kroz četiri godine školovanja, a imamo i islamsku etiku i moral, tumačenje Kur'ana i islamsku tradiciju - hadis", pojašnjava sagovornik portala Klix.ba.

Prije dvije godine redovan nastavni plan i program rada je dodatno ojačan uvođenjem matematike u sve četiri godine školovanja, a ove školske godine pokrenuta su tri fakultativna predmeta, što podrazumijeva učenje turskog i njemačkog jezika te informatičkog programiranja. Iduće godine će biti uveden još jedan predmet ovakve vrste, a riječ je o poduzetništvu.

"U budućnosti želimo imati dobro informatički obrazovane diplomante, ali i one koji će osmišljavati svoje poslove, biti lideri i poslovni ljudi u BiH, ali i regionu te biti prepoznati u čitavom svijetu. Iz godine u godinu pravimo analize i osvrte na periode koji su iza nas i u stalnom smo procesu korekcija nastavnog plana i programa kojeg želimo prilagoditi potrebama diplomanata", kaže Hatunić.

Uspješni i u sportu

Učenici u tuzlanskoj medresi imaju priliku individualno i kolektivno savladavati određene nastavne jedinice, a slobodno vrijeme troše i kroz sportske aktivnosti. I na sportskim terenima pokazuju izvanredne rezultate.




Foto: D. Z./Klix.ba

"Ponosni smo na sve naše sportske sekcije, domete i dostignuća koja su imali sportisti Behram-begove medrese. Već godinama ostvarujemo zapažene rezultate na gradskom, kantonalnom i federalnom nivou. Ovih dana naš učenik Hajrudin Vejzović je dobio poziv u atletsku reprezentaciju BiH i na to smo posebno ponosni. Nadamo se da će on biti prvi olimpijac Behram-begove medrese koji će ponijeti zastavu BiH na Olimpijskim igrama", ističe Hatunić.

Interesantno je i da okvirno 15 posto diplomanata iz ove medrese se za nastavak školovanja odlučuje za Fakultet islamskih nauka u Sarajevu ili izvan BiH, dok se većina opredjeljuje za fakultete društvenog, jezičkog, prirodno-matematičkog ili tehničkog smjera.

Mišljenja je da je nužno mijenjati odnos cjelokupnog društva prema obrazovanju, jer je pogrešno misliti da je ono potrošačka, sekundarna i marginalna djelatnost, koja troši resurse.

"Obrazovanje čini mnogo. Proizvodi i radi na pravilnom odgajanju, obrazovanju i usmjeravanju budućih generacija, odnosno budućeg mladog čovjeka, građanina i dobrog člana društva. Nema ništa važnije od toga u bilo kojoj zemlji, državi i društvu od toga, ako želimo praviti bolje korake u privredi i općem napretku i reformi", stava je Hatunić.

Vrijedi kazati da je tuzlanska medresa najstarija odgojno-obrazovna ustanova na području sjeveroistočne Bosne i Hercegovine, a u historijskim dokumentima prvi put se sponinje 1626. godine. U kontinuitetu je radila sve do Drugog svjetskog rata, kada je svoj rad prekinula na nekoliko mjeseci.



Foto: D. Z./Klix.ba

Uredbama tadašnjeg režima Behram-begova medresa je skupa sa svim drugim okružnim medresama u BiH 15. januara 1949. godine zatvorena.

U periodu mirovanja koji je trajao 44 godine svi pisani i materijalni tragovi o tuzlanskoj medresi su nestali, a čak je 1974. godine srušena i njena zgrada koja se nalazila u centru Tuzle.

Od te građevine ostao je samo ulazni portal, odnosno kapija koja danas slovi za jedan od simbola Tuzle. Rad ove ustanove koja danas ima važnu ulogu u BiH ponovo je uspostavljen 6. oktobra 1993. godine. Ova škola ima odličnu saradnju kako sa ustanovama i organizacijama u BiH, tako i sa onima u Sjedinjenim Američkim Državama, Velikoj Britaniji, ali Turskoj.



Vrijeme i dalje prouzrokuje brojne probleme

Snijeg i bura rušili krovove kuća u HBŽ-u, zatvorene brojne ceste

M. Medić Bošnjak, Z. Mihaljević

Snijeg praćen jakom naletima bure nastavio je praviti probleme u BiH. Najteža situacija i dalje je u HBŽ-u gdje je više sela odsječeno od ostatka svijeta, a snijeg je rušio krovove obiteljskih kuća. Učenici su nekoliko dana izvan školskih klupa, a stanje prirodne nepogode proglašeno je u pet lokalnih samouprava. Stanje prirodne nepogode do petka ujutro bilo je proglašeno samo u Glamoču i Tomislavgradu, no, budući da je jaka, povremeno i olujna bura, onemogućila normalno funkcioniranje života u ovoj županiji, toj mjeri pribjegli su Livno, Bosansko Grahovo, a potom i Drvar. Velike količine snijega urušile su dio krovova i srušile dimnjak obiteljske kuće u naselju Karaula u Tomislavgradu. Crijep i dimnjak pali su na ulicu, piše Tomislavcity.com. Pri urušavanju dimnjaka i crijeva uništena je balkonska ograda, a stanari se prijavljaju novih snježnih oborina budući da nije moguće pristupiti potrebnim



radovima na obnovi krova i dimnjaka. Riječ je o novom krovu kuće i dimnjaku. Prema neslužbenim informacijama, snijeg je oštetio i neka krovovišta objekata na području Mrkodola i Brišnika. Već danima se ulažu maksimalni naponi na čišćenju prometnica, no, za takvo nešto potrebni su teški radni strojevi kojima lokalna komunalna poduzeća ne raspolažu te je to i bio jedan od razloga za proglašenje prirodne nepogode,

kazao je načelnik Tomislavgrada Ivan Vukadin. "Znali smo da najavljuju buru, da ćemo, prema pravilima civilne zaštite, morati pristupiti mobilizaciji dodatnih strojeva duvanskih gospodarstvenika", kaže Vukadin. Na cestovnom pravcu Tomislavgrad - Kupres - Bugojno na snazi je zabrana kretanja za teretna vozila i autobuse, dok je na dionici Kladanj - Olovo obustavljen promet za teretna vozila s prikolicom i

šlepere. Na magistralnoj cesti M-15 Šuica - Livno i regionalnim cestama R-418 Prozor - Mokronog, R-419a Tomislavgrad - Blidinje i R-419 Rakitno - Blidinje zbog snježnih nanosa obustavljen je promet za sve kategorije vozila. U cijeloj BiH policija je pojačala kontrole, isključuje iz prometa vozila bez zimske opreme te poduzima druge mjere u cilju stvaranja preduvjeta za sigurno prometovanje. Tako su u noći s petka

na subotu napisane brojne kazne vozačima na Vlašiću, zbog čega vozači negoduju. Naime, prema svjedočenju građana na Vlašiću, cesta prema FIS-u je bila neočišćena i automobili se nisu mogli mimoilaziti te su bili primorani ostati uz cestu do jutra. Skliske ceste ponovno su prouzročile i brojne prometne nesreće. Tako je jučer na cesti Bijeljina - Brčko, nakon sudara s vozilom caddy, sletjela cisterna.